



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Catechismvs, Dat is, De Christelijcke leeringhe/ in
maniere van t'samen-sprekinghe tusschen den Meester
ende den Discipel**

Coster, Franciscus

T'Antvverpen, 1607

Vande plaetsen des ghebedts.

urn:nbn:de:hbz:466:1-39385

alle ouerhepdt soo gheestelijcke als wereltdlijcke/
 veur ons vader-landt / ende veur de plaetse daer
 wy ghebozen zijn / ende daer wy woonen. Hier-
 en-bouen veur den gheheelen staet der H. Kerck-
 ken. Ten lesten veur allen menschen / soo wel le-
 uende als doode / daer wy niet veur-seker af en
 weten dat sy saligh oft verdoemt zijn.

M. VVelcke plaetsen zijn bequaem om te bid-
 den?

D. Alle plaetsen ; principelijck nochtans de Kerck-
 ken/inde welke ons ghebedt ghemeelijck Gode
 aenghenamer is / ende van hem lichtelijcker dan
 op andere plaetsen verhoort wordt.

M. VVaer om dat?

D. Om dat teghenwoordigh is in het H. Sacra-
 mēt des outaers het alder-herlighste lichaem des
 Sones Gods / ende de reliquien der Heylighen:
 Ten anderen / om dat dese plaetsen gewijt zijn ter
 eeren ende ten dienste Gods veur vele ceremonien
 ende gebeden / waer veur onse moeder de H. Kerck-
 ke van Christo haren bruydegom begheert heeft/
 dat hem soude belieuen lichtelijcker te verhooren
 die hem hier in bidden : Ende hier-om behoort-
 men dese plaetse oock in grooter eeren te houden/
 ende totte selue dick-wils te gaen om te bidden.

M. VVat behoort-men te doen als-men inde
 Kercke comt?

D. Ten eersten, wij-water nemen / sy seluen daer
 mede besproeyende. Ten 2. een crups te maken.
 Ten 3. eer-men gaet knielen / soo behoort-men
 oock reuerentie ende eer-biedinghe te betoonen
 aen het Sacrament des outaers / ende aen de bel-
 den daer-men veur gaet bidden.

M. Hoe

M. Hoe moetmen hem inde Kercke draghen?

D. Men behoort (in-dien't ons moghelijck is) op beyde knien te knielen / sijn handen t'samen te houden/ende deuotelijcken ende aen-dachtelijcken te biddē/ hem wachtende van ongheschicktelijck oft schier-loos opde bancken te ligghen / van sijn soghen curieuselijcken herwaerts / ende derwaerts te slaen/ende bouen al van clappen.

M. VVanneer moet-men bidden?

D. Ten eersten, In tijde van noode / als-men eenighe tentatie ghevoelt / oft perijckel vzeest. Ten 2. s' morghens/ als-men op-staet / ende s' auondts als-men slapen gaet. Ten 3. als-men eenigh werck begint / ende als-men eenigh werck ghedaen heeft. Ten 4. als-men gaet eten/ende als-men gh'eten heeft. Ten 5. als-men de bede-clocke treckt / s' morghens ter eeren vande verrijffenisse Christi: s'noenens ter eeren van sijne passie ende doodt/ende s' auondts ter eeren van sijne menschwordinghe.

M. Hoe bidt ghy inden tijdt van noode, als ghy eenighe tentatie ghevoelt tot onghesoersaemheydt, traegheydt, &c.

D. Heere helpt my / ick vergae: Heere verlost my van dese tentatie/ deur uwe bittere doodt. Heerlijghe Maria moeder Gods bidt veur my/etc.

M. Hoe bidt ghy s' morghens?

D. Ick kniele veur mijn bedde/ oft in eenige andere bequame plaetse/ en makēde een Cruys/ segghe ick/Heere/ ick loue ende dancke u/ dat ghy my desen nacht bewaert hebt/ en van alle andere weldaden: In teecken van danckbaerheydt/offere ick